

## SAMÞYKKT

### um breytingu á samþykkt um stjórn Árneshrepps, nr. 1320/2018.

#### 1. gr.

37. gr. samþykktarinnar breytist og verður svohljóðandi:

1. Hreppsnefnd kys fulltrúa í eftirtaldar nefndir, ráð, stjórnir og embætti til fjögurra ára á fyrsta eða öðrum fundi að afloknum hreppsnefndarkosningum. Viðkomandi nefndir kjósa sér formenn.
  1. *Kjörstjórn*. Þrír aðalmenn og jafnmargir til vara skv. 17. gr. kosningalaga nr. 112/2021.
  2. *Skipulags-, bygginga-, húsnæðis- og hafnarnefnd*. Þrír aðalmenn og þrír til vara.
  3. *Skóla- og fræðslunefnd*. Þrír aðalmenn og þrír til vara.
  4. *Atvinnumálanefnd*. Þrír aðalmenn og þrír til vara.
  5. *Samgöngunefnd*. Þrír aðalmenn og þrír til vara.
  6. *Umhverfis- og náttúruverndarnefnd*. Þrír aðalmenn og þrír til vara.
2. Hreppsnefnd kys fulltrúa í eftirtaldar stjórnir ásamt fulltrúum annarra sveitarfélaga:
  1. *Félagsmálanefnd Stranda og Reykhólahrepps*. Einn fulltrúi og einn til vara.
  2. *Stjórn Sorpsamlags Strandasýslu*. Einn fulltrúi og einn til vara í samræmi við samþykktir sorpsamlagsins.
3. Þar sem ekki eru kosnar sérstakar nefndir fer hreppsnefnd með verkefni þeirra.
4. Velferðarþjónusta Vestfjarða:
  1. *Velferðarþjónusta Vestfjarða*. Samkvæmt samningi um sérhæfða velferðarþjónustu á Vestfjörðum, sbr. auglýsingu nr. 1210/2023, fer Ísafjarðarbær með verkefni barnaverndarþjónustu samkvæmt 10. gr. barnaverndarlaga nr. 80/2002 og þjónustu við fatlað fólk skv. lögum um þjónustu við fatlað fólk með langvarandi stuðningsþarfir nr. 38/2018.
  2. *Velferðarnefnd Ísafjarðarbæjar*. Í samræmi við samning um sérhæfða velferðarþjónustu á Vestfjörðum tilnefnir hvert þjónustusvæði áheyrnarfulltrúa í velferðarnefnd Ísafjarðarbæjar með málfrelsi og tillögurétt. Á grundvelli samningsins fer velferðarnefnd Ísafjarðarbæjar með yfirstjórn barnaverndarþjónustu á svæðinu skv. 1. mgr. 12. gr. barnaverndarlaga nr. 80/2002.

#### 2. gr.

Við samþykktina bætist viðauki 1 um fullnaðarafgreiðslu mála hjá barnaverndarþjónustu Ísafjarðarbæjar skv. 3. mgr. 12. gr. barnaverndarlaga nr. 80/2002 og um fullnaðarafgreiðslu mála hjá Ísafjarðarbæ vegna þjónustu við fatlað fólk.

#### 3. gr.

Samþykkt þessi sem hreppsnefnd Árneshrepps hefur sett samkvæmt ákvæðum 9. gr. og 18. gr. sveitarstjórnarlaga nr. 138/2011, staðfestist hér með til að öðlast þegar gildi.

*Innviðaráðuneytinu, 1. apríl 2025.*

F. h. r.

**Aðalsteinn Þorsteinsson.**

*Ólöf Sunna Jónsdóttir.*

VIÐAUKI 1  
Um framsal til Ísafjarðarbæjar.

1. gr.

Árneshreppur hefur falið Ísafjarðarbæ að vera leiðandi sveitarfélag þegar kemur að sérhæfðri velferðarþjónustu og felur það í sér að sveitarfélagið hefur framselt vald til töku ákvarðana sem taldar eru upp í 2. og 3 gr. þessa viðauka til Ísafjarðarbæjar. Því liggur endanleg ábyrgð á ákvörðunum hjá bæjarstjórn Ísafjarðarbæjar eftir því sem við á samkvæmt viðkomandi lögum.

Ísafjarðarbær hefur heimild til að framselja vald til töku stjórnvaldsákvæðana til nefnda eða starfsmanna og skal slíkt valdframsal útfært í samþykktum Ísafjarðarbæjar um stjórn og fundarsköp í samræmi við sveitarstjórnarlög og lög sem um stjórnvaldsákvörðunina gilda.

Samkvæmt III. kafla barnaverndarlaga er sveitarstjórn, fastanefndum og nefndum ekki heimilt að gefa barnaverndarþjónustu fyrir máli um meðferð einstakra mála. Því eiga 2. og 3. mgr. 42. gr. sveitarstjórnarlaga ekki við um barnaverndarþjónustu og er sveitarstjórn og fastanefndum ekki heimilt að hafa eftirlit með afgreiðslu einstakra mála barnaverndarþjónustu né taka ákvarðanir í barnaverndarmálum, að undanskildum eftirlitsheimildum velferðarnefndar Ísafjarðarbæjar vegna yfirstjórnar hennar.

2. gr.

Árneshreppur framselur til Ísafjarðarbæjar ábyrgð og ákvarðanatöku í eftirfarandi verkefnum á grundvelli barnaverndarlaga nr. 80/2002 fyrir hönd sveitarfélagsins:

- a. að bera ábyrgð á barnavernd, verkefnum og ákvörðunum samkvæmt lögnum sem eru ekki sérstaklega falin öðrum, sbr. 10. gr.,
- b. ákvörðun um hvort hefja eigi könnun máls, sbr. 21. gr.,
- c. gerð og framkvæmd áætlunar um meðferð máls, sbr. 23. gr.,
- d. taka ákvörðun um hvort loka eigi máli eða gera áætlun um meðferð máls, sbr. 23. gr.,
- e. veita aðstoð, sbr. a–e-lið 1. mgr. 24. gr.,
- f. taka við forsjá eða umsjá barns og ráðstafa í fóstur, sbr. a-lið 1. mgr. 25. gr.,
- g. taka við forsjá eða umsjá barns og vista barn utan heimilis á heimili eða stofnun eða leita annarra úrræða skv. XIII. og XIV. kafla til umönnunar, rannsóknar, meðferðar eða stuðnings, sbr. b-lið 1. mgr. 25. gr.,
- h. fara fram á það við umdæmisráð barnaverndar að ráðið úrskurði gegn vilja foreldra, sbr. a–e-lið 1. mgr. 26. gr.,
- i. fara fram á það við umdæmisráð barnaverndar að ráðið úrskurði gegn vilja foreldra og/eða barns sem hefur náð 15 ára aldri, sbr. a- og b-lið 1. mgr. 27. gr.,
- j. gera kröfu fyrir héraðsdómi að fengnum úrskurði umdæmisráðs, sbr. 1. mgr. 28. gr. og 29. gr.,
- k. úrræði vegna ófæddra barna, sbr. 1. mgr. 30. gr.,
- l. gera kröfu fyrir dómi um sviptingu sjálfræðis barnshafandi einstaklings, sbr. 2. mgr. 30. gr.,
- m. neyðarráðstafanir, sbr. 31. gr.,
- n. skipan lögráðamanns eða taka yfir forsjá barns, sbr. 32. gr.,
- o. áætlun um tryggja umsjá barns sem barnaverndarþjónusta hefur tekið við umsjá eða forsjá með, sbr. 33. gr.,
- p. senda inn beiðni til lögreglu um brottvikningu heimilismanns og nálgunarbann, sbr. 37. gr.,
- q. taka afstöðu til þess hvort þörf sé á að skipa barni talsmann skv. 3. mgr. 46. gr.,
- r. taka nauðsynlegar ákvarðanir um meðferð máls fyrir dómi skv. X. og XI. kafla,
- s. ráðstöfun barns í fóstur, sbr. 65. gr.,
- t. fara með alla vinnslu máls eftir að ákvörðun um vistun eða fóstur liggur fyrir,
- u. gerð fóstursamnings, endurskoðun og slit fóstursamnings, sbr. XII. kafla,
- v. ákvörðun um fjárhæð fósturlauna og framfærslueyris, sbr. 68. og 89. gr.,
- w. gera tillögur um umgengni barns í fóstur við foreldra og aðra nákomna, sbr. 74. gr.,
- x. gera tillögur um umgengni barns í vistun við foreldra og aðra nákomna, sbr. 81. gr.,

- y. hafa tiltæk úrræði, svo sem með rekstri vistheimila eða sambýla til að veita börnum móttöku að uppfylltum skilyrðum, sbr. a- og b-lið 84. gr.,
- z. hafa tiltækar stuðningsfjölskyldur, sbr. 85. gr.,
- aa. sumardvöl á vegum barnaverndarþjónustna, sbr. 86. gr.

Auk þess veitir barnaverndarþjónustan umsagnir vegna ættleiðingar skv. 16. og 31. gr. laga um ættleiðingar nr. 130/1999 og tilnefnir málstjóra skv. 20. gr. laga um samþættingu þjónustu í þágu farsældar barna nr. 86/2021.

Um valdframsal til nefnda og starfsmanna Ísafjarðarbæjar, málsmeðferð og endurupptöku mála samkvæmt þessari grein er vísað til gildandi viðauka um fullnaðarafgreiðsluheimildir við samþykkt um stjórn Ísafjarðarbæjar og fundarsköp bæjarstjórnar enda hefur hreppsnefnd Árneshrepps ekki boðvald yfir Ísafjarðarbæ og starfsmönnum þess.

### 3. gr.

Árneshreppur framselur til Ísafjarðarbæjar ábyrgð og ákvarðanatöku í eftirfarandi verkefnum á grundvelli laga um þjónustu við fatlað fólk með langvarandi stuðningsþarfir nr. 38/2018 fyrir hönd sveitarfélagsins:

- a. gerð samninga við sjálfseignarstofnanir eða aðra einkaaðila um þjónustu, sbr. 6. gr.,
- b. stoðþjónusta sem er nauðsynleg þátttöku fatlaðs fólks í samfélaginu, sbr. 8. gr.,
- c. búseta, sbr. 9. gr.,
- d. gerð notendasamninga, sbr. 10. gr.,
- e. gerð samninga um notendastýrða persónulega aðstoð, sbr. 11. gr.,
- f. hafa forystu í þverfaglegu þjónustuteymi um útfærslu þjónustu, sbr. 12. gr.,
- g. stuðningsfjölskyldur, sbr. 15. gr.,
- h. frístundaþjónusta fatlaðra barna og ungmenna, sbr. 16. gr.,
- i. skammtímadvöl, sbr. 17. gr.,
- j. sumardvöl, sbr. 18. gr.,
- k. tilnefning málstjóra, sbr. 19. gr., sbr. lög um samþættingu þjónustu í þágu farsældar barna nr. 86/2021,
- l. vinnustaðir fyrir verndaða vinnu, hæfingu og dagþjónustu fyrir fatlað fólk þar sem því stendur til boða þroska-, iðju- og starfsþjálfun, sbr. 24. gr.,
- m. veiting styrkja eða fyrirgreiðslna vegna félagslegrar hæfingar og endurhæfingar, sbr. 25. gr.

Um valdframsal til nefnda og starfsmanna Ísafjarðarbæjar, málsmeðferð og endurupptöku mála samkvæmt þessari grein er vísað til gildandi viðauka um fullnaðarafgreiðsluheimildir við samþykkt um stjórn Ísafjarðarbæjar og fundarsköp bæjarstjórnar, enda hefur hreppsnefnd Árneshrepps ekki boðvald yfir Ísafjarðarbæ og starfsmönnum þess.